



Publicaziuns dalla vischnaunca, jamna 6

Damonda da baghegiar

Nr. 2010-1004

Datum da publicaziun: ils 12 da fevrer 2010

Il patrun: E. Fontecedro-Andreoni, Casa Romana, 7183 Mumpé Medel

Il representant: Rico de Castelberg-Bühler, Via Alpsu 2, 7180 Disentis/Mustér

Object: Baghetg annex sco combra da durmir, cun tetg plat sco engrondaziun dalla terrassa, parcella 1081, Via Sogn Valentin 12, 7183 Mumpé Medel

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 8-2-2010

Uffeci da baghegiar Disentis/Mustér

Damonda da baghegiar

Nr. 2010-1005

Datum da publicaziun: ils 12 da fevrer 2010

Il patrun: Ivan Giger, Via Denterpraus 11, 7186 Segnas

Il representant: Uve Giger-Caminada, Via Denterpraus 1, 7186 Segnas

Object: Sanaziun ed engrondaziun dalla casa, parcella 415, Via Denterpraus 11, 7186 Segnas

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 9-2-2010

Uffeci da baghegiar Disentis/Mustér

Damonda da baghegiar

Nr. 2010-1006

Datum da publicaziun: ils 12 da fevrer 2010

Il patrun: Alfred Lutz-Micheli, Via Pintga 4, 7180 Disentis/Mustér

Il representant: Alfred Lutz-Micheli, Via Pintga 4, 7180 Disentis/Mustér

Object: Engrondaziun dalla habitaziun ella secunda alzada, parcella nr. 811, Via Pintga 4, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 9-2-2010

Uffeci da baghegiar Disentis/Mustér



Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2009-1065

Pleiv Sogn Gions, 7180 Disentis/Mustér e Casa Sogn Gions, 7180 Disentis/Mustér; spazzar ils baghets existents sin parcella nr. 910, Via Sursilvana 7, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 9-2-2010

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 26 da fevrer 2010 allas 19.30 uras** en stanza da seduta el plaunterren dalla casa communal ad ina seduta.

Tractandas:

1. Protocol nr. 8-2009/2012
2. Program d'activitad 2009–2012: repassar ed adattar (controlling)
3. Collaboraziun regionala: posiziun

Il president dil cussegl da vischnaunca

Nova ulivaziun da finanzas (NFA)

Ils 7 da mars 2010 decida il pievel grischun sur dalla Nova ulivaziun da finanzas. Quei project preveda ina refurma fundamentala dallas relaziuns finanzialas denter il Cantun e las vischnauncas. La reglamentaziun dad oz datescha digl onn 1958 ed ei perquei en bia graus buca pli actuala ed era buca gesta. In'adattaziun da quei sistem ei necessaria. Per la vischnaunca da Mustér porta il niev sistem considerabels avantatgs. En special eis ei previu ina contribuziun cantunala da varga dus milliuns francs per reducir ils deivets dalla vischnaunca.

Sper differents auters facturs positivs ei la Nova ulivaziun da finanzas in bien agid per sanar nossas finanzas communalas.

Per quels motivs sustegnan las autoritads communalas il project dalla Nova ulivaziun da finanzas.

Suprastonza communal

Taglia da tgauns 2010

Naven d'immediat **entochen la fin fevrer 2010** san las marcas da tgauns vegnir retratgas tier l'administraziun communal.

La taglia da tgauns munta pigl emprem tgaun frs. 120.–, per mintg'ulteriur tgaun ella casada frs. 180.– per onn.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinas, per tschocs e suords ein deliberai dalla taglia, ston denton purtar la marca da tgauns.

Tgauns da pasturs ni tals ch'ei en survetsch dil puresser ein buca deliberai dalla taxa.



Plinavon vegn supplicau da communicar all'administraziun communal midadas, q.v.d. tals che han retratg 2009 ina marca da tgauns ed han **buca pli il tgaun, ni novs possessurs da tgauns.**

Tut ils tgauns che vivan en Svizra ston vegnir marcai e registrai ella datoteca dalla ANIS (mira adressa sutmenziunada).

Tgauns giuvens ston enteifer ils emprems treis meins da veta vegnir marcai cun in microchip e registrai ella datoteca. Plinavon ein ils possessurs da tgauns obligai da communicar all'ANIS midadas d'adressa, da possessur e la mort digl animal. Ils cuosts per la registraziun sco era per las midadas obligatorias ein da pagar entras il possessur dil tgaun.

Possessurs da tgauns ch'ein aunc buca vegni suenter a quell'obligaziun da registraziun, supplichein nus **da prender suenter quei immediat cun schar registrar lur tgaun tier l'ANIS entras in veterinari.**

Per saver retrer la marca sto il mussament dalla registraziun vegnir presentaus.

ANIS Animal Identity Service AG
Morgenstrasse 123, CH-3018 Bern
Tel. 031 371 35 30
info@anis.ch / www.anis.ch

Administraziun communal Disentis/Mustér

Cuors per la raccolta da lenna

Ils uffecis forestals dalla Sursassiala organisesch ansemen cun igl Uffeci d'uaul dil Grischun in cuors fundamental per la raccolta da lenna. Tgi che vul pinar lenna duei saver ...
... enconuscher ed applicar las reglas dalla segirtad da lavur e dalla protecziun sanitaria.
... manipular e mantener la resgia a motor, la cadeina ed ils uaffens a moda e maniera professionala.
... far diever adequatamein dallas reglas fundamentalas dalla raccolta da lenna.

Il cuors vegn menaus d'in instructor professionel el decuors dalla primavera (avrel/matg) en ina dallas treis vischnauncas dalla Sursassiala. L'instrucziun succeda en gruppas da 4 tochen 6 participonts e cuoza 5 dis.

Cuosts sin damonda. La participaziun al cuors vegn confirmada a scret cun ina cumpetenzza da scolaiziun minimala per luvrer d'uaul. Mintga participont ha da cumparer cun in equipment personal da protecziun irreproschabel.

Per annunziar tochen ils **12 da mars** ni ulteriur sclariment stattan ils uffecis forestals dalla Sursassiala a disposiziun:

Uffeci forestal Disentis/Mustér, Werner Müller, 079 832 02 63
Uffeci forestal Medel/Lucmagn, Corsin Flepp, 079 611 45 04
Uffeci forestal Tujetsch, Adrian Deragisch, 079 688 30 04

Declaronza da taglia 2009

L'administratiun cantunala da taglia ha tarmess tier las declaronzas da taglia per igl onn 2009. Persunas che han buca obteniu ina declaronza da taglia, ein obligadas da retrer ina declaronza tier igl uffeci da taglia communal.

Medemamein sa vegnir retratg tier igl uffeci da taglia communal ulteriurs formulars da taglia.



Ils termins per inoltrar la declaronza da taglia ein fixai sco suonda:

31 da mars 2010

Pagataglias cun activitad da gudogn dependenta, scolars, students, pensiunai, disoccupai e cuminonzas d'artavels.

30 da settember 2010

Pagataglias cun activitad da gudogn independenta, societads semplas sco era personas domiciliadas ordeifer il cantun Grischun cun schischom en vischnaunca.

Prolungaziun dil termin:

Damondas per ina prolungaziun dil termin d'inoltrar la declaronza da taglia ein da far a scret e quei avon ch'il termin d'inoltraziun croda. La damonda ei da tschentar agl uffeci da taglia communal. Las damondas vegnan rispundidas mo sche quellas san buca vegnir risguardadas.

Suttascripziuns dils conjugals: Conjugals che vivan giuridicamein ed effectivamein en ina lètg nun-separada ein suttames communablamein alla taglia. Omisdus conjugals ein obligai da suttascriver la declaronza da taglia. Sche la declaronza da taglia ei suttascretta mo d'in conjugal, survegn l'auter conjugal in termin. Suenter la scadenza da quei termin vegn supponiu la representaziun cun contract denter ils conjugals.

Per ulteriuras damondas stein nus bugen a Vossa disposiziun.

Uffeci da taglia Disentis/Mustér

Controla da habitonts

Naschientschas

Manetsch Rihanna Alessia, naschida ils 25 da schaner 2010, feglia da Manetsch Romina.

Duff Lian Noel, naschius ils 27 da schaner 2010, feagl da Duff Clarissa Gabriela e Loretz Christian.

Mortoris

Augustin Lutz, naschius ils 19-7-1920, morts ils 2-2-2010.

Placi Berther-Jacomét, naschius ils 22-2-1917, morts ils 6-2-2010.

Luzia Loretz, naschida ils 16-1-1920, morta ils 7-2-2010.

Camp a Belgia 2010

Mira sut Cadi.

Uniun da dunnas Mustér: Fiera da Nadal

La fiera da Nadal vegn organisada da niev dall'uniun da dunnas da Mustér. **Il datum dalla fiera ei fixaus sin sonda, ils 20 da november 2010 dallas 11.00–22.00.**

Per annunzias ni damondas saveis contactar: Candinas Fabiana, 081 947 42 88 / 079 373 61 58 ni per e-mail: fcandinas@gmx.ch.

Cun l'annunzia duessas era gest indicar cun tgei products che Vus quinteis vegnir alla fiera. Vegnir alla fiera sco expositur sa tut tgi che ha interess.

Sin stedia participaziun selegra
la suprastonza dall'uniun da dunnas e gidontras



Pro Senectute Surselva
Niev il venderdis! Sault a Sumvitg
Neu am Freitag! Tanzveranstaltung in Sumvitg

Siehe/mira sut Sumvitg.

Pro Senectute
Cuors trenament dalla memoria a Mustér

In viadi d'exploraziun tras il tgau – trenar il tschurvi a moda raschuneivla. Scuvri Vossas capacitads spirtalas grazia ad in trenament dalla memoria. Il tschurvi sesviluppescha e semida duront l'entira veta. Ins sa pia emprender novas caussas tochen en in'aulta vegliadetgna. Senza sforz e cun humor intervegnis Vus co Vus saveis mantener il spért activs e movibels. Cun agid d'ina recepziun pli cunscienta e d'ina strategia da management raschuneivla emprendis Vus cun temas interessants co nezegiar pli efficientamein Vossas capacitads e co applicar quellas metodas el mintgadi.

Liug: Mustér, nua vegn aunc communicau

Datas: 4 x mesjamna, **naven diils 4 da mars 2010**

Temps: 13.30–15.45

Menadra dil cuors: Monika Berther-Sommer, trenadra dalla memoria certificada SVGT

Annunzias ed informaziuns: tochen ils **22 da fevrer 2010** tier la Pro Senectute Grischun, Alexanderstrasse 2, 7000 Cuera, tel. 0844 850 844 (tariffa locala)

Il vast program dallas differentas purschidas da cuors e formaziun dalla Pro Senectute per persunas pesiunadas san ins retrer tiel post regional dalla Pro Senectute Surselva a Glion sut la numera da telefon 081 925 43 26.

Cussegl pastoral – Cerchel social-caritativ

Nus envidein cordialmein tuts seniors/as da Mustér ad in suentermiezdi cun **lotto gievgia, ils 25 da fevrer 2010** allas 14.00 el hotel Sax.

Prendei peda per passentar entginas uras en buna cumpignia.

Fuffernadi da curling

Has ti interess vid il sport da curling? Il club da curling CCD porscha la pusseivladad da prender d'enconuscher quei bi sport. Duront 2 uras sas ti experimentar schebein quei fuss era enzatgei per tei.

Il cuors ha liug **mesjamna, ils 17 da fevrer 2010** allas 20.00 uras silla piazza da glatsch dil Center da sport e cultura Mustér.

S'annunziar sut 081 947 50 35.



Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
